

Dei lumen & regnum. Tu autem  
Dómine, miserere nobis. **R.** Deo  
grátias.

**R.** Sancta & immaculâta virgi-  
nitas, quibus te laudibus éfferam,  
nescio: \* Quia quem cœli cá-  
pere non póterant, tuo grémio  
contulisti. **V.** Benedicta tu in mu-  
liéribus, & benedictus fructus ven-  
tris tui. Quia quem cœli cápere  
non póterant tuo grémio contulisti.  
**G**loria Patri, & Fílio, & Spirítui  
sancto. Quia quem cœli cápere non  
póterant, tuo grémio contulisti.

**In tertio Nocturno, Añã.**

Ipsè invocâbit me, allelúia: Pater  
meus es tu, allelúia.

**Psalmus 88.**

**M**isericórdias Dómini \* in ætér-  
num cantâbo.

**I**n generatióem & generatióem \*  
annuntiâbo veritâtem tuam in ore  
meo.

**Q**uóniam dixisti: In ætérnum mi-  
sericórdia ædificâbitur in cœlis: \*

præ-

præparâbitur véritas tua in eis.  
**D**ispósui testaméntum eléctis meis,  
jurâvi David servo meo: \* Usque in  
ætérnum præparâbo semen tuum.

**E**t ædificâbo in generatióem &  
generatióem \* sedem tuam.

**C**onfitebúntur cœli mirabilia tua  
Dómine: \* étenim veritâtem tuam  
in Ecclésia sanctórum.

**Q**uóniam quis in núbibus æquâbi-  
tur Dómino: \* similis erit Deo in  
filiis Dei?

**D**eus, qui glorificâtur in consílio  
sanctórum: \* magnus & terribilis su-  
per omnes qui in circúitu ejus sunt.

**D**ómine Deus virtútum, quis sí-  
milis tibi? \* potens es Dómine,  
& véritas tua in circúitu tuo.

**T**u dominâris potestâti maris: \*  
motum autem flúctuum ejus tu mí-  
tigas.

**T**u humiliâsti sicut vulnerâtum,  
supérbum: \* in bráchio virtútis  
tuæ dispersisti inimicos tuos.

**T**ui sunt cœli, & tua est terra,

52 **In Nativitate Domini,**  
orbem terræ & plenitudinem ejus  
tu fundasti: \* Aquilônem & mare  
tu creasti.

**T**habor & Hermon in nómine tuo  
exultábunt: \* tuum bráchium cum  
poténtia.

**F**irmêtur manus tua, & exaltêtur  
dêxtera tua: \* justitia & judicium  
præparatio sedis tuæ.

**M**isericórdia & véritas præcedent  
faciem tuam: \* beátus pópulus,  
qui scit jubilatióem.

**D**ómine, in lúmine vultus tui am-  
bulábunt, & in nómine tuo exul-  
tábunt tota die: \* & in justitia tua  
exaltabúntur.

**Q**uóniam glória virtûtis eórum tu  
es: \* & in beneplácito tuo exaltá-  
bitur cornu nostrum.

**Q**uia Dómini est assúptio nos-  
tra: \* & sancti Israël Regis nostri.

**T**um locútus es in visiône sanc-  
tis tuis, & dixisti: \* Pósui adju-  
tóriū in poténte: & exaltávi  
eléctum de plebe mea.

**In**

**Ad Matutinum.** 53

**I**nvéni David servum meum, \*  
óleo sancto meo unxi eum.

**M**anus enim mea auxiliábitur ei: \*  
& bráchium meum confortábit  
eum.

**N**ihil proficiet inimícus in eo, \* &  
filius iniquitátis non appônet no-  
cêre ei.

**E**t concídā à facie ipsúus inimí-  
cos ejus: \* & odiéntes eum in fu-  
gam convértam.

**E**t véritas mea, & misericórdia  
mea cum ipso: \* & in nómine meo  
exaltábitur cornu ejus.

**E**t ponam in mari manum ejus: \*  
& in flumínibus dêxteram ejus.

**I**psé invocábit me: Pater meus es  
tu, \* Deus meus, & suscêptor  
salútis meæ:

**E**t ego primogénitum ponam il-  
lum, \* excélsū præ régibus terræ.

**I**n ætérnum servábo illi misericór-  
diam meam: \* & testaméntum  
meum fidèle ipsi.

**E**t ponam in séculum séculi se-

54 **In Nativitate Domini,**

men ejus: \* & thronum ejus sicut dies cœli.

**Si** autem dereliquerint filii ejus legem meam: \* & in judiciis meis non ambulaverint:

**Si** justitias meas profanaverint: \* & mandata mea non custodierint:

**Visitabo** in virga iniquitates eorum: \* & in verbis peccata eorum.

**Misericordiam** autem meam non dispergam ab eo: \* neque nocēbo in veritate mea.

**Neque** profanabo testamentum meum: \* & quæ procedunt de labiis meis non faciam irrita.

**Semel** juravi in sancto meo, si David mentiar: \* semen ejus in æternum manebit.

**Et** thronus ejus sicut sol in conspectu meo: \* & sicut luna perfecta in æternum, & testis in cœlo fidelis.

**Tu** verò repulisti & despexisti, \* distulisti Christum tuum.

**Avertisti** testamentum servi tui: \*  
pro-

**Ad Matutinum.** 55

profanasti in terra sanctuarium ejus.  
**D**estruisti omnes sepes ejus: \*  
posuisti firmamentum ejus formidinem.

**D**iriperunt cum omnes transeuntes viam: \* factus est opprobrium vicinis suis.

**E**xaltasti dexteram deprimentium eum: \* lætificasti omnes inimicos ejus.

**A**vertisti adjutorium gladii ejus: \* & non es auxiliatus ei in bello.

**D**estruisti eum ab emundatione: \* & sedem ejus in terram collisisti.

**M**inorasti dies temporis ejus: \* perfudisti eum confusione.

**U**squequò Dómine avertis in finem: \* exardescet sicut ignis ira tua?

**M**emorare quæ mea substantia: \* numquid enim vanè constituisti omnes filios hominum?

**Q**uis est homo, qui vivet, & non videbit mortem: \* eruet animam suam de manu inferi?

56 **In Nativitate Domini,**

**U**bi sunt misericordiae tuae antiquae  
Domine: \* sicut jurasti David in  
veritate tua?

**M**emor esto Domine opprobrii  
servorum tuorum \* (quod continui  
in sinu meo) multarum gentium.

**Q**uod exprobraverunt inimici tui  
Domine, \* quod exprobraverunt  
commutationem Christi tui.

**B**enedictus Dominus in aeternum: \*  
fiat fiat.

**G**loria Patri. Sicut erat.

**Añã** Ipse invocabit me, alleluia.  
Pater meus es tu, alleluia.

**Añã.** Laetentur caeli, & exultet  
terra ante faciem Domini, quoniam  
venit.

**Psalmus 95.**

**C**antate Domino canticum no-  
vum: \* cantate Domino  
omnis terra.

**C**antate Domino, & benedicite  
nomini ejus: \* annuntiante de die in  
diem salutare ejus.

**A**nnuntiante inter Gentes gloriam  
ejus:

**Ad Matutinum.** 57

ejus: \* in omnibus populis mira-  
bilia ejus.

**Q**uoniam magnus Dominus, &  
laudabilis nimis, \* terribilis est su-  
per omnes deos.

**Q**uoniam omnes dii Gentium dae-  
monia: \* Dominus autem caelos  
fecit.

**C**onfessio & pulchritudo in cons-  
pectu ejus: \* sanctimonia & mag-  
nificencia in sanctificatione ejus.

**A**fferre Domino patriae Gentium,  
afferre Domino gloriam & hono-  
rem: \* afferre Domino gloriam  
nomini ejus.

**T**ollite hostias, & introite in atria  
ejus: \* adorare Dominum in atrio  
sancto ejus.

**C**ommoveatur a facie ejus universa  
terra: \* dicite in Gentibus quia  
Dominus regnavit.

**E**tenim correxit orbem terrae, qui  
non commovebitur: \* judicabit po-  
pulos in aequitate.

**L**aetentur caeli, & exultet terra,  
e 5 com-

58 **In Nativitate Domini,**

commoveatur mare, & plenitudo ejus: \* gaudebunt campi, & omnia quae in eis sunt.

**Tunc** exultabunt omnia ligna silvarum a facie Domini, quia venit: \* quoniam venit judicare terram.

Judicabit orbem terrae in aequitate, \* & populus in veritate sua.

**Gloria Patri.** Sicut erat.

**Añã.** Laetentur caeli, & exultet terra ante faciem Domini, quoniam venit.

**Añã.** Notum fecit Dominus, alleluia, salutare suum, alleluia.

**Psalmus 97.**

**C**antate Domino canticum novum: \* quia mirabilia fecit.

**Salvavit** sibi dextera ejus: \* & brachium sanctum ejus.

**Notum** fecit Dominus salutare suum: \* in conspectu Gentium revelavit justitiam suam.

**R**ecordatus est misericordiae suae: \* & veritatis suae domui Israel.

**Vi-**

**Ad Matutinum.** 59

**V**iderunt omnes termini terrae \* salutare Dei nostri.

**Jubilate** Deo omnis terra: \* cantate, & exultate, & psallite.

**Psallite** Domino in cithara, in cithara & voce psalmi: \* in tubis ductilibus, & voce tubae corinae.

**Jubilate** in conspectu Regis Domini: \* moveatur mare, & plenitudo ejus: orbis terrarum, & qui habitant in eo.

**Flumina** plaudent manu, simul montes exultabunt a conspectu Domini: \* quoniam venit judicare terram.

**Judicabit** orbem terrarum in justitia, \* & populos in aequitate.

**Gloria Patri.** Sicut erat.

**Añã.** Notum fecit Dominus, alleluia; salutare suum, alleluia.

**V.** Ipse invocabit me, alleluia.

**R.** Pater meus es tu, alleluia. **Pater noster,** secreto. **V.** Et ne nos inducas in tentationem. **R.** Sed libera nos a malo.

**c 6**

**Ab-**

**A** Vinculis peccatorum nostrorum absolvat nos omnipotens & misericors Dominus. *R.* Amen. *V.* Jube domne benedicere. **Benedictio.** Evangelica lectio sit nobis salus & protectio. *R.* Amen.

I lectio sancti Evangelii secundum Lucam.

Lectio vij. Cap. 2.

**I**n illo tempore: Exiit edictum à Cæsare Augusto, ut describeretur universus orbis. Et reliqua. Homilia sancti Gregorii Papæ. *Homilia 8. in Evangelia.*

**Q**uia largiente Domino, Missarum sollemnia ter hodie celebraturi sumus, loqui diu de Evangelica lectione non possumus: sed nos aliquid vel breviter dicere, Redemptoris nostri nativitas ipsa compellit. Quid est enim, quod nascituro Domino mundus describitur, nisi hoc, quod aperte monstratur, quia ille apparebat in carne, qui elec-

electos suos adscriberet in æternitate? Quo contra de reprobis per Propheta dicitur: Deleantur de libro viventium, & cum justis non scribantur. Qui bene etiam in Bethlehem nascitur. Bethlehem quippe domus panis interpretatur. Ipse namque est, qui ait: Ego sum panis vivus, qui de cælo descendendi. Locus ergo in quo Dominus nascitur, domus panis antea vocatus est: quia futurum profectio erat, ut ille ibi per materiam carnis appareret, qui electorum mentes interna satietate reficeret. Qui non in parentum domo, sed in via nascitur: ut profectio ostenderet, quia per humanitatem suam, quam assumpserat, quasi in alieno nascebatur. Tu autem Domine miserere nobis. *R.* Deo gratias.

**F** Beata viscera Mariæ Virginis, quæ portaverunt æterni Patris Filium: & beata ubera, quæ lactaverunt Christum Dominum:   
Qui

\* Qui hodiè pro salute mundi de Virgine nasci dignatus est. *Ps.* Dies sanctificatus illuxit nobis: venite Gentès, & adoráte Dóminum. Qui hodiè pro salute mundi de Virgine nasci dignatus est.

*Ps.* Jube domine benedícere. **Benedictio.** Per Evangelica dicta deleantur nostra delicta.

*R.* Amen.

**Lectio** sancti Evangelii secundum Lucam.

**Lectio viij.** *Cap. 2. b*

**I**N illo tempore: Pastores loquebantur ad invicem: Transcimus usque Bethlehem, & videamus hoc verbum quod factum est, quod Dominus ostendit nobis. Et reliqua.

Homilia S. Ambrósii Episcopi.

*Lib. 2. in cap. 2. Lucae,  
circa médium.*

**V**idete Ecclesie surgentis exordium. Christus nascitur, & pastores vigilare coeperunt:  
qui

qui gentium greges, pecudum modo ante viventes, in caulam Domini congregarent, ne quos spiritalium bestiarum, per offusas noctium tenebras, paterentur in cursus. Et bene pastores vigilant, quos bonus pastor informat. Grex igitur populus, nox seculum, pastores sunt sacerdotes. Aut fortasse etiam ille sit pastor, cui dicitur: Esto vigilans, & confirma. Qui non solum Episcopos ad tuendum gregem Dominus ordinavit, sed etiam Angelos destinavit. Tu autem Domine, miserere nobis. *R.* Deo gratias.

*R.* Verbum caro factum est, & habitavit in nobis: \* Et vidimus gloriam ejus, gloriam quasi unigeniti a Patre, plenum gratiae & veritatis.

*Ps.* Omnia per ipsum facta sunt, & sine ipso factum est nihil. Et vidimus gloriam ejus, gloriam quasi unigeniti a Patre, plenum gratiae & veritatis. **Gloria** Patri, & Filio, & Spi-

64 **In Nativitate Domini,**

Spirítui sancto. Et vídimus glóriam ejus, glóriam quasi unigéniti à Patre, plenum grátiae & veritátis.

**Ps.** Jube domne benedicere. **Benedictio.** Verba sancti Evangélii doceat nos Christus Fílius Dei.

**R.** Amen.

**Lectio** sancti Evangélii secúndum Joánnem.

**Lectio ix.** *Cap. i.*

**I**N princípío erat Verbum, & Verbum erat apud Deum, & Deus erat Verbum. Et reliqua.

Homilía sancti Augustíni Episcopi.

*Tractátu 1. in Joánnem,  
circa médium.*

**N**E vile áliquid putáres, quale consuevísti cogítare, cum verba humána soléres audíre, audi quid cógites. Deus erat Verbum. Exeat nunc néscio quis infidélis AriánuS, & dicat, quia Verbum Dei factum est. Quómodo potest fieri, ut Verbum Dei factum sit, quando Deus per Verbum fecit  
óm-

**Ad Matutinum.** 65

omnia? Si & Verbum Dei ipsum factum est; per quod aliud verbum factum est? Si hoc dicis, quia hoc es verbum Verbi, per quod factum est illud: ipsum dico ego únicum Fílium Dei. Si autem non dicis verbum Verbi, concède non factum, per quod facta sunt ómnia. Non enim per seípsum fieri pótuit, per quod facta sunt ómnia. Crede ergo Evangelístæ. Tu autem Dómine, miserére nobis. **R.** Deo grátias.

**Hymnus SS. Ambrosii & Augustini.**

**T**E Deum laudámus: te Dóminum confitémur.

**T**e ætérnum Patrem: omnis terra venerátur.

**T**ibi omnes Angeli: tibi cœli, & univérsæ potestátes:

**T**ibi Chérubim & Séraphim: incessábili voce proclamant.

**S**anctus, Sanctus, Sanctus: Dóminus Deus Sábaoth.

**Ple-**

66 **In Nativitate Domini,**

**P**leni sunt cœli & terra : majestâtis glóriæ tuæ.

**T**e gloriôsus Apostolôrum chorus,

**T**e Prophetârum laudâbilis nûmerus.

**T**e Mártyrum candidâtus laudat exercitus.

**T**e per orbem terrârum , sancta confitêtur Ecclésia,

**P**atrem imménsæ majestâtis,

**V**enerândum tuum verum , & únicum Fílium,

**S**anctum quoque Paráclitum Spíritum.

**T**u Rex glóriæ Christe.

**T**u Patris sempitérnus es Fílius.

**T**u ad liberândum susceptûrus hóminem : non horruisti Vírginis úterum.

**T**u devicto mortis acúleo : aperuisti credéntibus regna cœlôrum.

**T**u ad dexteram Dei sedes : in glória Patris.

**J**udex créderis esse ventûrus.

**T**e ergo quæsumus , tuis fámulis  
súb-

**Ad Matutinum.** 67

súbveni , quos pretiôsô Sângvine redemisti.

**Æ**térna fac cum sanctis tuis : in glória numerári.

**S**alvum fac pópulum tuum Dómine : & bénedic hæreditâti tuæ.

**E**t rege eos : & extolle illos usque in ætérnum.

**P**er singulos dies , benedicimus te.

**E**t laudâmus nomen tuum in séculum : & in séculum séculi.

**D**ignâre Dómine die isto : sine peccáto nos custodíre.

**M**iserêre nostri Dómine : miserêre nostri.

**F**iat misericórdia tua Dómine super nos : quemádmódum sperávimus in te.

**I**n te Dómine sperávi : non confundar in ætérnum.

**D**einde dicitur **V.** Dóminus vobiscum. **R.** Et cum spíritu tuo.

**Oratio.**

**C**oncède quæsumus omnipotens Deus : ut nos Unigéniti tui

tui nova per carnem nativitas liberet, quos sub peccati iugo vestusta servitus tenet. Per eundem Dominum nostrum Jesum Christum Filium tuum: qui tecum vivit & regnat in unitate Spiritus sancti Deus, per omnia secula seculorum. *v.* Amen.

*Et dicto Benedicamus Domino, celebratur prima Missa post mediam noctem, ut in Ordinario: qua finita dicuntur Laudes.*

## A D L A U D E S.

## Versus.

**D**EUS in adiutorium meum intende. *R.* Domine ad adiuvandum me festina. Gloria Patri, & Filio, & Spiritui sancto. Sicut erat in principio, & nunc, & semper, & in secula seculorum. Amen, Alleluia.

*Añã.* Quem vidistis pastores? dicite, annuntiãte nobis, in terris quis apparuit? Natum vidimus, & choros

An-

Angelorum collaudantes Dominum, alleluia, alleluia.

*Psalmus 92.*

**D**ominus regnavit, decorem indutus est: \* indutus est Dominus fortitudinem, & praeinxit se.

Etenim firmavit orbem terrae, \* qui non commovebitur.

Parata sedes tua ex tunc: \* a seculo tu es.

Elevaverunt flumina Domine: \* elevaverunt flumina vocem suam.

Elevaverunt flumina fluctus suos, \* a vocibus aquarum multarum.

Mirabiles elationes maris, \* mirabilis in altis Dominus.

Testimonia tua credibilia facta sunt nimis: \* domum tuam decet sanctitudo Domine in longitudinem dierum.

Gloria Patri. Sicut erat.

*Añã.* Quem vidistis pastores? dicite, annuntiãte nobis, in terris quis apparuit? Natum vidimus, & choros

AR-

Angelorum collaudantes Dominum, alleluia, alleluia.

**Añā.** Genuit puérpera Regem, cui nomen ætérnum; & gáudia matris habens cum virginitátis honóre: nec primam símilem visa est, nec habère sequéntem, alleluia.

**Psalmus 99.**

**J**ubiláte Deo omnis terra: \* servíte Dómino in lætítia.

**I**ntróite in conspéctu ejus, \* in exultatióne.

**S**citóte quóniam Dóminus ipse est Deus: \* ipse fecit nos, & non ipsi nos.

**P**ópulus ejus, & oves páscuæ ejus, \* intróite portas ejus in confessióne, átria ejus in hymnis: confitémini illi.

**L**audáte nomen ejus: quóniam suávis est Dóminus, in ætérnum misericórdia ejus, \* & usque in generatióne & generatióne veritas ejus.

**G**loria Patri. **S**icut erat.

**Añā.**

**Añā.** Genuit puérpera Regem, cui nomen ætérnum, & gáudia matris habens cum virginitátis honóre, nec primam símilem visa est, nec habère sequéntem, alleluia.

**Añā.** Angelus ad pastóres ait: Annúntio vobis gáudium magnum: quia natus est vobis hódie Salvátor mundi, alleluia.

**Psalmus 62.**

**D**eus Deus meus \* ad te de luce vígilo.

**S**itívit in te ánima mea \* quám multipliciter tibi caro mea.

**I**n terra desérta, & ínvia, & inaquósa: \* sic in sancto apparui tibi, ut vidérem virtútem tuam, & glóriam tuam.

**Q**uóniam mélior est misericórdia tua super vitas: \* lábia mea laudábunt te.

**S**ic benedícam te in vita mea: \* & in nómine tuo levábo manus meas.

**S**icut ádipe & pinguédine repleátur

tur ánima mea : \* & lábiis exulta-  
tiõnis laudábit os meum.

*Si* memor fui super stratum meum,  
in matutínis meditábor in te : \* quia  
fuísti adjûtor meus.

*Et* in velaménto alârum tuârum  
exultábo, adhæsit ánima mea post  
te : \* me suscepit dextera tua.

*Ipsi* verò in vanum quæsiérunt áni-  
mam meam, introíbunt in inferiõra  
terræ : \* tradéntur in manus gládii,  
partes vûlpium erunt.

*Rex* verò lætábitur in Deo, lauda-  
búntur omnes qui jurant in eo : \*  
quia obstrúctum est os loquéntium  
iniqua.

*Hic non dicitur, Glória Patri.*  
*Psalmus 66.*

**D**Eus misereátur nostri, & be-  
nedícat nobis : \* illúminet  
vultum suum super nos, & misereá-  
tur nostri.

*Ut* cognoscámus in terra viam  
tuam : \* in ómnibus géntibus salu-  
târe tuum.

Con-

**C**onfiteántur tibi pópuli Deus : \*  
confiteántur tibi pópuli omnes.

*Læténtur* & exúltent Gentes : \*  
quóniam júdicas pópulos in æquitá-  
te, & Gentes in terra dirigis.

**C**onfiteántur tibi púpuli Deus:  
confiteántur tibi pópuli omnes : \*  
terra dedit fructum suum.

**B**enedícat nos Deus, Deus noster,  
benedícat nos Deus : \* & métuant  
eum omnes fines terræ.

*Glória Patri. Sicut erat.*

*Añã.* Angelus ad pastóres ait : An-  
núntio vobis gáudium magnum:  
quia natus est vobis hódie Salvâtor  
mundi, allelúia.

*Añã.* Facta est cum Angelo mul-  
titúdo coeléstis exércitus laudántium  
Deum, & dicéntium : Glória in  
excélsis Deo, & in terra pax homí-  
nibus bonæ voluntâtis, allelúia.

*Canticum trium puerorum.*

*Daniélis 3.*

**B**enedícite omnia ópera Do-  
mini Dómino : \* laudáte

D

&